

Peqqissaasutut peqqinnissamullu assistentitut ilinniartitaanerit pillugit nalunaarut nr. 36, 27. december 1993-imeersoq Atuussimasoq (Historisk)

Napparsimasunik paarsisutut peqqinnissamullu ikiortitit ilinniartitaanerit pillugit Inatsisartut peqqussutaanni nr. 9-mi, 13. maj 1993-imeersumi, §§ 6, 7 aamma 8 naapertorlugit aalajangersarneqarpoq:

Kapitali 1

Ilinniartitaanerup siunertaa aaqqissuussaaneralu

§ 1. Peqqissaasutut ilinniartitaanerup siunertaraa ilinniartup peqqissaasutut sulisinnaalernissaminut nammineq inuttut sulisinnaassutsikkullu piumasarineqartutut piginnaassuseqalernissaa. Siunertarineqarportaaq ilinniartup suleqateqartarnissamut, ilisimatusarnermut inuiaqatigiinnullu tunngasutigut ineriartornerit malinnaavigalugit suliaminut tunngasutigut nutartertarnissamut kiisalu peqqissaasutut ilinniarnep inerisarnissaanut piginnaangorsarnissaa.

§ 2. Ilinniarfimmik nalunaarummi uani pineqarpoq Peqqissaanermut Ilinniarfik, peqqissaasutut ilinniartitaaneq.

Imm. 2. Peqqissaasutut ilinniartitaaneq ilinniartitsivimmi ilinniartitaanermut tassunga akuerisaasumik aaqqissuussiffigineqartumi ingerlanneqartarpoq, tak. § 11.

Imm. 3. Ilinniartitaaneq taanna qaammatinik 48-nik sivisussuseqartoq atuagarsorluni sungiusaatigalugulu sulilluni ilinniarnermik agguaqatigiissillugit sivisussuseqartunik 5:4 miss.

§ 3. Ilinniartitaaneq siulersorneqassaaq peqqissaasutut ilinniarsimasumit piginnaassusilimmit, taassumalu ilinniartitaanerup atuagarsornertaata napparsimasunillu sullissinikkut ilinniartitaanerup ataqatigiissarnissaat Kalaallilu Nunaanni peqqissaasutut sulisinnatitaanermut akuersissummik peqassagaanni piumasaqaataasut naapertorlugit ilinniartitaanerup naammassineqanernissaa akisussaaffigai.

Imm. 2. Atuarfimmi ilinniartitsisut ilinniartitsisinnaanermut piginnaaneqartut naammattut sulisorineqassapput.

Kapitel 2

Ilinniartitaanerup imarisai pilersaarusiorneqarneralu

§ 4. Ilinniartitsissutigineqartarput atuagarsorluni sulillunilu peqqinnissakkut isumaginninnermik napparsimasunillu paarsinermik ilinniarnepit makkununga sammisitat: inuit peqqisut, arnat ernisuttut, inuit peqqigunnaarnissaannik aarleqqunnartut inuillu tassanngaannartumik ataavartumillu nappaatillit, timikkut eqqarsartaatsikkulu nappaateqartunik, aamma inuit qassinilluunniit ukiullit namminneq

angerlarsimaffimmiinniittut, suliffinniittut, napparsimmavinniittut suliffeqarfinnilu allaniittut.

Imm. 2. Ilinniartitaaneq aaqqissuussaavoq pingasunik immikkoortulerlugu tamarmik ukiumit ataatsimit ukiut marlungajaat (uk. 1 3/4) tikillugit sivilissuseqartut, taakkunanilu ilinniartitaaneq napparsimasunik paarsisup peqqissusermut iluaqutaasussanik allannngutsaaliissutaasusanillu, napparnaveersaataasunik, katsorsaaneramik, anniarunnaarsaanermik piginnaangorsaqqinnermullu tunngasunik suliassai kiisalu tamakkununnga atasunik ataqatigiissaarinnermik ilinniartitsinnermullu suliassat.

Imm. 3. Ilinniartitaaneq aaqqissuunneqarpoq napparsimasunik paarsinnermi suliassat nalinginnaasut aallarniutigineqarnerisigut. Immikkoortut tulluittut marluk imaqarput napparsimasunik paarsisup suliassanik immikkut ittunik, taakkulu aaqqissuunneqarput artornarsiartuaartillugit immikkoortuisa kingullersaat ilaqartussanngorluguttaaq napparsimasunik paarsisup suliassanik namminersuutigalugu suliqaarnermik.

Imm. 4. Ilinniartitaanermit ilaatinneqassapput peqqinnissakkut napparsimasunillu paarsinnermik napparsimmavimmi nakorsaaserinnermik pilataanikkullu paaqqinnerneq, ernissuorneq, peqqinnissakkut napparsimasunillu paarsinnermik naartusunik kiisalu meeqqanik paaqqinnerneq, eqqarsartaatsikkut nappaatilinnermik, utoqqalineq pissutigalugu nappaatinik peqqinnissakkut isumaginnerneq napparsimasunillu paarsineq kiisalu angerlarsimaffinni napparsimasunik paarsineq.

§ 5. Atuagarsornertaa imaqarpoq ilinniagassanik makkuninnga: atuagarsornermik atuartitsineq tamakkerlugu tamarmik immikkut procentit makkua missaannik annertussuseqartunik:

1) Peqqinnissaq napparsimasunillu paarsineq pillugit ilinniagassat peqqinnissamullu tunngasunik ilisimatusarinnermik ilinniagassat allat: Peqqinnissamik isumaginnernermi napparsimasunillu paarsinnermi atuartarissat suleriaaserlu kiisalu nappaatinik tunillaassuuttartunik ilinniartitaaneq, nappaatilerineq, inuussutissalerineq, nakorsaaserineq, ernissuorneq, inuiaqatigiinnut, suliffeqarfinnut avatangiisinullu tunngatillugu nakorsaaserineq il, - il.: 60 pct.

2) Pinngortitamik ilisimatusarnermi ilinniagassat: Anatomi (timip sananeqaataanik ilinniartitaaneq), fysiologi, fysik, kemi, biokemi, mikrobiologi, klinisk kemi, genetik il.il.: 20 pct.

3) Inuuneq inuiaqatigiillu pillugit ilisimatusarnermi ilinniagassat: Psykologi (inuup eqqarsartaasia pillugu ilinniartitaaneq), pædagogik (perorsaaneq), sociologi, attaveqatigiittarneq, peqqinnissamik inunnillu isumaginnerneq aaqqissuussaana suliassat, tamakkununnga ilanngullugit inatsiseqarneq, allaffeqarfikkut ingerlarsinnermik ilinniartitaaneq, allaffissorneq siulersuinerlu kiisalu isumassarsiaasimasut pingaarnerit pillugit oqaluttuarisaaneq ileqqorissaanerlu il.il.: 20 pct.

Imm. 2. Atuagarsorluni ilinniartitaanerup erseqqinnerusumik pilersaaruserneqarnera ilinniartitaanerullu ingerlanerata agguataarneqarnissaa aalajangersarneqassapput ilinniartitaanerup aaqqissuussiffigineqarnerani, tak. § 11.

§ 6. Sulinnermik sungiusarneq pingaarnernik makkuninnga imaqarpoq: sulinnermik sungiusarneq tamakkerlugu tamarmik immikkut procentit makkua missaannik annertussuseqartussanik:

1) Peqqinnissamik nakkutiginnerneq napparsimasunillu paarsineq tunngatinneqartoq inunnut peqissunut, arnanut ernilersunut inunnillu peqqigunnaarnissat aarleqqutiginarlutit: 35 pct.

2) Peqqinnissamik isumaginnerneq napparsimasunillu paarsineq inunnut tassanngaannartumik aamma katsorsarneqarsinnaangitsumik nappaatilinnut, timimikkut eqqarsartaatsimikkullu nappaateqartunut sammisitat: 65 pct.

Imm.2. Sulinermik sungiusarnerup minnerpaamik 20 pct.-ia napparsimmaviup avataani inunnik peqqinnissamillu isumaginnittoqarfimmi pisassaaq.

Imm. 3. Sulinermik sungiusarneq sivisunerusumik ingerlanneqartarpoq, ilaqartinneqarluni napparsimasunik paarsinermi suliassanik.

Imm. 4. Sulinermik sungiusarneq imaalillugu aqqissuunneqassaaq, immikkoortua siulleg ilinniartitaanerup ingerlanerani 25 pct.-iata missaanik, immikkoortuisa aappaat 30 pct.-iata missaanik immikkoortuisalu pingajuat 45 pct.-iata missaanik sivisussusilerlugit.

Imm. 5. Sulinermik sungiusarnerup ilinniarnullu agguanneqarnerata erseqqinnerusumik aqqissuussaani ilinniartitaanerup aqqissuussiffiqeqarneranni aalajangersarneqassapput, tak. § 11.

Kapitali 3

Piginnaassutsimik naliliineq

§ 7. Piginnaassutsit, ilinniakkatigut anguneqartut, atuagarsornermut atatillugu misilitsinnikkut sungiusaatigalugulu sulinermut atatillugu angusat nalilerneqarnerisigut uppersaaserneqartassapput.

§ 8. Misilitsinnerit ilinniarfimmi avataaniluunniit misilitsinnerupput. Ilinniarfimmi misilitsinnerit soraarummeersitsisumit (-sunit) nalileeqaataasumillu ataatsimit imaluunniit nalileeqaataasunit arlalinnit ilinniarfiup toqqagaani nalilerneqartassapput. Ilinniarfiup avataani misilitsinnerit soraarummeersitsisumit (-sunit) nalileeqaataasumillu, ilinniarfigisamit inassuteqareernikkut Kulturimut, Ilinniartitaanermut Ilisimatusarnermullu Pisortaqarfimmit soraarummeersitsussanngortinneqartunit, nalilerneqartassapput. Nalileeqaataasartut ikkunneqartassapput ukiunit pingasunit ukiunut tallimanut atuuttussanngorlugit.

Imm. 2. Ilinniarfimmi avataanilu misilitsinnerit Danmarkimi ilinniarfinni qaffasinnerusuni karakteriliisarnert qaqugukkulluunniit tamanut atuuttut naapertorlugit nalilerneqartassapput. Maannakkut atornerarpoq 13-skala.

Imm. 3. Piginnaassutsimik naliliinerni angusivoq/angusinngilaq atornerarpoq.

§ 9. Ilinniarnerup immikkoortuisa pingasusut § 4-mi taaneqartut naanerini tamani ilinniarfiup avataani misiliisoqartassaaq. Misilitsinnerni tamani sammisanik (stoffinik) ilinniagassani pingasuni § 5-imi taaneqartuniittunik soraarummeersitsineqartassaaq.

Imm. 2. Ilinniarnerup immikkoortuisa pingasut, § 4-mi taaneqartut, naanerini ilinniarfiup avataani misilitsittoqartassaaq. Ilinniartitaanerup immikkoortuisa pingajuanni marloriarluni piginnaassutsimut naliliisoqartassaaq. Ilinniarnerup immikkoortuisa pingajuanni qaammatini pingasuni aamma arfineq-marlunni sungiusaatigalugu sulereernermi angusanik naliliineqartassaaq. Angusanik naliliinerit suliarineqarneranni tunniunneqarnerannilu napparsimasunik paarsisoq(-sut) sungiusaatigalugu sulinermut akisussaasoq(-sut) aamma napparsimasunik paasisussanik ilinniartitsisoq ilinniarfimmeersoq peqataassapput.

Imm. 3. Misilitsinnerit angusanillu naliliinerit tamarmik angusiffiussapput.

Imm. 4. Misilitsinneq angusiffiussaaq karakteri 6-iuppat taassumangaluunniit qaffasinneruppat imaluunniit naliliineq angusiffiuppat. Misilitsinnerit tamarmik immikkut angusiffiussapput. Misilitsinnerit angusiffiusut uteqqinneqarsinnaanngillat. Ilinniagaqartoq misilitsinnermut ataatsimut

annerpaamik pingasoriarluni misilitsikkumasinnaavoq.

Imm. 5. Immikkut pissutissaqartillugu ilinniarfigisap sisamassaaneerluni misilitsittoqarnissaa akuersaarsinnaavaa.

Imm. 6. Ilinniagaqartut, angusanik naliliinermi angusinngitsoorsimasut, aappassaaneerlugit nalileqqinneqarsinnaapput sungiusaatigalugu sulineq ilinniarfiusup aalajangiineratigut nangeqqinneqareerpat.

Imm. 7. Ilinniagaqartut, angusanik aappassaaneerluni naliliinermi angusinngitsoorsimasut, pingajussaaneerlugit nalileqqinneqarsinnaapput suliffiup avataani sungiusaatigalugu sulisitsinikkut, tassanilu naliliinermi angusivoq/angusinngilaq atorneqartassapput.

§ 10. Ilinniarfiusup napparsimasunik paarsisutut naammassillugu ilinniarsimanermut uppersaart tunniutissavaa misilitsinnermi angusiffiusuni piginnaassutsimillu naliliinermi angusat nalunaarlugit.

Imm. 2. Ilinniartitaanerup immikkoortuisa siulliat aappaallu angusiffiullutik naammassineqarpata ilinniarfiusup peqqinnissamut ikiortitit ilinniarsimanermut uppersaart tunniussinnaanngussavaa. Uppersaart peqqinnissamut ikiortitit suliat pillugit nalunaarsummik imaqassaaq.

Kapitali 4

Ilinniartitaanerup aaqqissugaanera

§ 11. Ilinniarfiusup ilinniartitaaneq pillugu malittarisassat erseqqinnerusut ilinniartitaanermik aaqqissuussineq atorlugu suliarissavai.

Imm. 2. Nalunaarummi uani aalajangersagaasut takuneqarsinnaasut saniatigut ilinniartitaanerup aaqqissuussaanaera makkuninnga imaqassaaq:

- 1) Ilinniartunngornissamut piumasarineqartut.
- 2) Ilinniartitaanerup immikkoortuini pingasuni tamani anguniakkat.
- 3) Atuagarsorluni ilinniarnermi atuartitsissutit tiimillu agguataarneqarneri.
- 4) Sungiusaatigalugu sulinerup agguataarneqarneranut aaqqissuunneqarneranullu pilersaarussiaq.
- 5) Sungiusaatigalugu suliffissanik akuersinissamut najoqqutassat.
- 6) Ilinniarfigisap avataani misilitsinnerit angusanillu naliliinerit qaqugukkut pisarnissaat.
- 7) (Ilinniarfigisami) misilitsinnernut aamma (sungiutsaatigalugu sulinermi) angusat nalilerneqarnerannut peqataajumassagaanni piumasaqaataasinnaasut.
- 8) Misilitsinnerit ataasiakkaat ilusilersugaaneri angusanillu naliliinerit pillugit maleruagqusat.
- 9) Misilitsinnerit amerlassusii.
- 10) Atuartitsissutini/sammisani ataasiakkaani karakterip, taanna atuartitsissummi/sammisami tassani misilitsinnerit karaktereqaataasussat arlallit agguaqatigiissinnerisimappassuk, qanoq ililluni taamaattuunissaanut maleruagassat.
- 11) Napparsimasimasut soraarummeernissaannut malittarisassat.

Imm. 3. Ilinniartitaanerup aaqqissugaanera Kultureqarnermut, Ilinniartitaanermut Ilisimatusarnermullu Pisortaqaarfimmit akuersissutigineqassaaq.

Imm. 4. Ilinniartitaanerup aaqqissugaanerani allannguutit ilinniartitaanermi immikkoortup aallartinneqarnerani atuutilertassapput.

Kapitali 5

Peqqinnissamik isumaginninnermi ikiortinik ilinniartitseqqinneq

§ 12. Peqqinnissamik isumaginninnermi ikiortit peqqinnissamut qullersaqarfiup (Sundhedsstyrelsen) Kalaallit Nunaanni peqqinnissamut ikiortissat ilinniartitaasarnissaannik kaajallaasitaa 17. juni 1980-imeersoq malillugu ilinniagaqarsimasut napparsimasunik paarsisussat ilinniartitaanerata immikkoortuisa pingajuannut ilaaniarlutik qinnuteqarsinnaapput.

Stk. 2. Peqqinnissamik isumaginninnermi ikiortit napparsimasunik paarsisussatut ilinniartitaanerup aallartiffia ukiunik tallimanik sioqqullugu ilinniagaqarsimasut, napparsimasunik paarsisussatut ilinniartitaanerup immikkoortuisa pingajuannit ilinniagaqalersinnaapput:

1) napparsimasunik paarsisussatut ilinniartitaanermi immikkoortut aapaanni ilinniarfiusup avataani misilitsinnissamut piareersaataasumik atuagarsorluni ilinniartitsinnermut qaammatit sisamat missaannik sivilissuseqartumut peqataasimasuugunik, aamma

2) napparsimasunik paarsisussatut ilinniartitaanermi immikkoortut aapaanni ilinniarfiusup avataani misilitsinnerit angusiffigisimagunikkit.

Stk. 3. Peqqinnissamilli isumaginninnermi ikiortit napparsimasunik paarsisussatut ilinniartitaanerup aallartiffia ukiut tallimat sinnerlugit sioqqullugu ilinniagaqarsimasut ilinniartunngortinneqarsinnaapput, tak. imm. 2, ilinniarfiusooq isumaqarpat qinnuteqarput napparsimasunik paarsisussatut ilinniartitaanerup naammassisinnaanngornissaanut allatut iliornikkut pisariaqartitanik piginnaanngorsarfigisimagaat.

Kapitali 6

Ilinniartitaanerup aqunneqarnera

§ 13. Ilinniarfigisami ilinniartitaanermut siunnersuisoqatigiiliortoqassaaq. Ilinniartitaanermut siunnersuisoqatigiit aqqanilinnik ilaasortaqaassapput.

Imm. 2. Ilaasortat marluk Naalakkersuisunit toqqarneqassapput, ilaasortarlu ataaseq kommunip oqartussaaffiini sungiusaatigalugu suliffissanik ilimaarinnittoq Kalaallit Nunaanni Kommuneqarfiit Kattuffiannit toqqarneqassaaq. Ilinniartitaanermut siunnersuisoqatigiinni ilaasortat sinneri makkuussapput:

1) Peqqinnissamut Ilinniarfiup pisortaa.

2) Napparsimasunik paarsisutut ilinniartitaanermi nakkutilliisoq.

3) Peqqinnissamut Ilinniarfimmi ilinniartitsisut aalajangersumik atorfeqartut akunnerminni toqqagaat ataaseq.

4) Ilinniagaqartut akunnerminni toqqagaat ataaseq.

5) Dronning Ingridip Napparsimmavissuani napparsimasunik paarsisut pisortaat.

6) Dronning Ingridip Napparsimmavissuani nakorsat pisortaat.

7) Nakorsaq peqqinnissakkut Nakkutilliisuutitaq.

Imm. 3. Siunnersuisoqatigiinni ilaasortat sinniisussaannik toqqaasoqassaaq, Nuummi najugaqanngisunik.

Imm. 4. Ilinniartitaanermut siunnersuisoqatigiit assersuutigalugu inuit perorsaanermik

paasisimasaqartut isumaginninnermullu tunngasunik ilisimasaqartut taaseqataasinnaatinnagit ataatsimeeqatiserisinnaavaat.

Imm. 5. Ilinniartitaanermut siunnersuisoqatigiit namminneerlutik inissitsitissapput siulittaasulerlutik siulittaasullu tullilerlutik. Siulittaasoq taassumalu tullia napparsimasunik paarsisuussapput. Ilinniartitaanermut siunnersuisoqatigiit suleriaasissartik namminneerlutik aalajangersassavaat, tassanissaaq ataatsimiigiaqqullugit aggersarneqarsimasut taaseqataasinnaatitaassanersut aalajangissallugu.

Imm. 6. Ilinniarfik ilinniartitaanermut siunnersuisoqatigiinnut allattoqarfiussaaq.

§ 14. Ilinniartitaanermut siunnersuisoqatigiit napparsimasunik paarsisutut ilinniartitaanermi siunnersuisuussapput inassuteqaateqartassallutillu Kultureqarnermut, Ilinniartitaanermut Ilisimatusarnermullu Pisortaqarfimmu, aammattaaq § 26 naapertorlugi misiliutaasumik aaqqissuussinernut.

Imm. 2. Tamakku saniatigut ilinniartitaanermut siunnersuisoqatigiit inunnik isumaginninnermut peqqinnissamullu tunngasunik ilinniartitsinerit ilisimatusarnermut inuiaqatigiillu inerisaaneqarnerannut attuumassuteqartut pillugit Naalakkersuisunut inassuteqartassapput.

§ 15. Ilinniartitaanermut siunnersuisoqatigiit makku alaj angiivigisassavaat:

- 1) ilinniartunik soraarsitsinerit,
- 2) ilinniagaqartut pillugit inuttaanut tunngatillugit immikkut akuersissuteqartarnerit aamma
- 3) sungiusaatigalugu suliffissat akuersissutigineqarneri.

Kapitel 7

Soraarummeerneq pillugu naamagittaalliuutit

§ 16. Ilinniarfigisap iluani avataaniluunniit misilitsinnerit soraarummeernerilluunniit pillugit naamagittaalliuutit makkununga tunngassuteqarsinnaapput:

- 1) soraarummeerummut toqqammavigisaaq, aammattaaq soraarummeernermi apeqqutit, suliaassiisutit assigisaallu atuagassallu annertussusaannut sanilliullu
- 2) soraarummeernerup qanoq ingerlanneqarnera imaluunniit
- 3) soraarummeernermik naliliineq.

§ 17. Naammagittaalliuut, ilinniarf igisamut tunniunneqartussaaq, allaganngorlugi sunalu pillugu maarlaaruteqarneq oqaatigalugit tunniunneqassaaq.

Imm. 2. Naammagittaalliuut, misilitsinnerup soraarummeernerulluunniit inernerata tiguernererit, kingusinnerpaamik ulluinnaat arfineq pingajuanni tunniunneqassaaq.

Imm. 3. Immikkut pisoqartillugu ilinniarfik imm. 2 pillugu immikkut akuersissuteqarsinnaavoq.

§ 18. Ilinniarf igisap naamagittaalliuut piaarnerpaamik nalileeqaarsimasunut saqqummiutissavaa.

§ 19. Naliliisoq (-sut) nalileeqqissinnaavoq, aammaarlugu soraarummeernissamik neqerooruteqarsinnaalluni naamagittaalliummiluunniit toqqammavilersuut itigartitsissutigisinnaallugu

Imm. 2. § 16-imi taaneqartut arlaannik arlalinninnilluunniit amigaateqarneq pissutigalugu nutaamik

naliliisoqassatillugu, nutaamik naliliineq soraarummeeqataasunut, taamatulli soraarummeernermi amigaateqartunut, tamanut naliliinerussaaq,

Imm. 3. §16-imi taaneqartunut sanilliullugu arlaannik arlalinnilluunniit annertuumik amigaateqartoq naliliisup naliliisulluunniit ilaata isumaqarf igippagu, aammaarluni soraarummeernissaq neqeroorutigineqassaaq. Soraarummeertunut, taamatulli soraarummeernermi amigaateqarsimasunut, tamanut aammaarluni soraarummeernissaq neqeroorutigineqassaaq.

§ 20. Naammagittaalliuut naliliisumit (-sunit) tiguneqarneranit kingusinnerpaamik ulluinnaat aqqaneq aappaanni naammagittaalliuut naammassillugu suliarineqariissaaq aalajangiinerlu ilinniarfigisimasut nalunaarutigineqarluni, tassanngaaniillu naammagittaalliuuteqartoq aalajangiineq pillugu piaarnerpaamik nalunaarfigineqassaaq.

Imm. 2. Imm. 1-mi piffissaliunneqarsimasup ingerlanerani naammagittaalliuutip suliarineqarnissaanut akornutissaqarsimappat, ilinniarfigisap naammagittaalliuuteqartoq tamanna pillugu piaarnerpaamik nalunaarfigissavaa, naammagittaalliuullu qaqugukkut naammassineqassangatinneqarnersoq nalunaarlugu.

§ 21. Naliliisup (-sut) § 19 naapertorlugu aalajangiinera naammagittaalliorumit Kultureqarnermut, Ilinniartitaanermut Ilisimatusarnermullu Pisortaqarfimmut ingerlateqqinneqarsinnaavoq.

Imm. 2. Naammagittaalliuut, ilinniarfigisamut tunniunneqartussaq, allaganngorlugu sunalu pissutigalugu naammagittaalliuuteqarneq oqaatigalugu tunniunneqassaaq.

Imm. 3. Naliliisup (-sut) aalajangiinera pillugu naammagittaallioruq ilisimatinneqareerpat, naammagittaalliuut kingusinnerpaamik ulluinnaat arfineq pingajuaanni tunniunneqassaaq.

Imm. 4. Immikkut pisoqartillugu, ilinniarfigisap imm. 3 pillugu immikkut akuersissuteqarsinnaavoq.

§ 22. Kultureqarnermut, Ilinniartitaanermut Ilisimatusarnermullu Pisortaqarfiup karaktere atorunnaarsissinnaavaa, nutaamik (-nik) naliliisulerluni nalileeqqittoqarnissaa aalajangiussinnaallugu naammagittaalliornermiluunniit toqqammavilersuut itigartitsissutigisinnaallugu.

Imm. 2. Kultureqarnermut, Ilinniartitaanermut Ilisimatusarnermullu Pisortaqarfiup naammagittaalliuut aalajangiivigittinnagu ilinniartitaanermut siunnersuisoqatigiit naliliisorlu (-sullu) oqaaseqartissavai.

Imm. 3. Nutaamik (-nik) naliliisoqarluni nalileeqqittoqarnissaa Kultureqarnermut, Ilinniartitaanermut Ilisimatusarnermullu Pisortaqarfiup aalajangiuppagu, naliliisussat Kultureqarnermut, Ilinniartitaanermut Ilisimatusarnermullu Pisortaqarfiup toqqassavai.

Imm. 4. § 16-imi taaneqartut arlaannik arlalinnilluunniit amigaateqarsimaneq pissutigalugu karakterip qaffanneqarnissaa, nutaamik naliliisoqarnissaa aammaarluniluunniit soraarummeeqqusinermik neqeroorut Kultureqarnermut, Ilinniartitaanermut Ilisimatusarnermullu Pisortaqarfiup aalajangiuppagu, aalajangiineq soraarummeertunut, soraarummeernermi taamatulli amigaateqarsimasunut, tamanut atuuppoq.

§ 23. Ilinniagaqartup naammagittaalliuutimi suliarineqarnerata nalaani ilinniarnini ingerlatiinnarsinnaavaa. Taamaanngilarli nalunaarummi uani ilinniartitaanerullu aqqissuussaanerani allatut aalajangersaasoqarsimappat.

Imm. 2. Naammagittaalliuut uppersaatitaarnissamut kinguneqartussaataaangilaq, tak. § 10.

§ 24. Nutaamik naliliineq aammaarluniluunnit soraarummeerneq piaarnerpaamik pissaag.

§ 25. Naammagittaalliuuteqarneq appasinnerusumik karaktereqalernermik kinguneqarsinnaangilaq.

Kapitali 8

Immikkut akuersissuteqartarneq, naammagittaalliuuteqartarneq atuutilerfialu

§ 26. Ilinniartitaanermut siunnersuisoqatigiit inassuteqartereernerisigut Kultureqarnermut, Ilinniartitaanermut Ilisimatusarnermullu Pisorta qarfiup nalunaarummi matumani aalajangersakkanik sanioqqutsigallarnissamut akuersissuteqarsinnaavoq. Taamaaliortoqartillugu misiliinerup sivirususissaa qanorlu nalunaarusiortoqartarnissaa ilanngullugit aalajangersarneqartassapput.

Imm. 2. Immikkorluinnaq pissutissaqartillugu Kultureqarnermut, Ilinniartitaanermut Ilisimatusarnermullu Pisorta qarfik nalunaarummi aalajangersakkat sanioqqunneqarnissaannut akuersissuteqarsinnaavoq.

§ 27. Ilinniarfigisaq tamatigut nalinginnaasumilluunniit aalajangersakkatigut akuersissuteqarsinnaavoq Kalaallit Nunaanni, Qallunaat Nunaanni nunaniluunniit allani ilinniakkat naammasseriikkat/angusiffiusimasut ilinniakkanut nalunaarummi uani pineqartunut taarsiunneqarsinnaasut.

Imm. 2. Imm. 1 naapertorlugu akuersissuteqartoqarnerani ilinniagaq naammassineqarsimasutut isigineqartassaaq, ilinniagaq pineqartoq pillugu aalajangersakkat malillugit angusiffiusimappat nalunaarulluunniit manna naapertorlugu angusiffiusimappat. Naliliineq angusiffiusimasut nuunneqassaaq, karakterimut taarsiullugu atorneqanngikkuni aammalu naliliussaasimanngikkuni aalajangersakkat taakkuusut atorlugit, karakteritut nalunaarut una malillugu tunniunneqartutut.

§ 28. Ilinniartitaanermut siunnersuisoqatigiit aalajangiineri tignerinit sapaatip akunneri sisamat qaangiutsinnagit Kultureqarnermut, Ilinniartitaanermut Ilisimatusarnermullu Pisorta qarfirmut ingerlateqqinneqarsinnaapput. Naammagittaalliuut aalajangiivigitinnagu ilinniartitaanermut siunnersuisoqatigiit ilinniarfigisarlu oqaaseqaateqartinneqassapput.

§ 29. Aalajangiinerit allat pillugit naammagittaalliuutit, ilinniarfigisap aalajangiineri ilanngullugit, aalajangiinerup tigneranit sapaatip akunneri sisamat qaangitsunnagit Kultureqarnermut, Ilinniartitaanermut Ilisimatusarnermullu Pisorta qarfirmut ingerlateqqinneqarsinnaapput. Naammagittaalliuut aalajangiivigineqartinnagu ilinniartitaanermut siunnersuisoqatigiit ilinniarfigisarlu oqaaseqaateqartinneqassapput.

§ 30. Nalunaarut una atortuulissaaq januarip aallaqqaataani 1994-imi.

Marianne Jensen

/

Aqigssiaq Møller